



## МЕСЯЦА АПРЕЛЯ ВО 2-Й ДЕНЬ

Преподобнаго отца нашего и чудотворца  
Тита

НА ВЕЧЕРНИ.

На Господи, возвах: стихиры, глас 8.

Подобен: О, преславнаго чудесе:

**Т**ите Богомудре отче наш, / твой нося крест, /  
Христу последовал еси / и страсти вся души  
покорил еси. / Отонудуже благодать свыше  
приял еси / врачевати страсти притекающих  
к тебе, / утишати недуги и отгоняти дүхи. / Тем  
твою память / праздуем и блажим.

Тите всеблаженне отче наш, / постническими  
пребывании священноочищаемь / и ум причастии  
Божественными просвещая, / священства масть  
всесвятую / манием Божественнаго Дүха / во-  
истинну прият / послужил еси добле на земли /  
Богу и Зиждителю твоему, / якоже Ангел.

Преподобне Тите Богодухновенне, / правосла-  
вия светом / душу осияв, / темную ереси мглу  
умалил еси / и, возсияв, яко светлейшая звезда, /  
просвещаяши мира концы / чудодействы твоими  
лученосными всегда. / Тем твою память / празду-  
ем, торжествующе.

Слава, и ныне, Богородичен:

Помышления нечиста и устна лстыва, / дела же  
моя вся осквернена, / и что сотворю? / Како

усрящу Судию? / Владычице Деве, / моли Сына  
Твоего, / и Зиждителя, и Господа, / яко да в  
покаянии примет дух мой, / яко един Благоутро-  
бен.

### Крестобогородичен:

Юница нескверная, / Юнца видящи на Древе, /  
пригвождаема волею, / рыдаючи жалостне, — / увы  
Мне, — вопияше, — / любимейшее Чадо: / что Ты  
сонм воздаде безблагодатный еврейский, / хотя Мя  
обезчадствовати / от Тебе, Вселюбезне?

**Канон, егоже краегранесие: Монашествующих  
столп, да поется Тит. Глас 8.**

### Песнь 1

**Ирмос: Воду прошед, яко сушу, / и египетскаго  
зла избежав, / израильтянин вопияше: / Избавите-  
лю и Богу нашему поим.**

Всего мя, страстьми плотскими люте углбша и  
истлевша сластьми, / сокровище сый безстра-  
стия, / Тите, молитвами твоими спаси.

Божественное Духа избрание, / Богу принеслся  
еси от пелен матерних / и Неискусомужныя Бого-  
родицы тайнник и служитель был еси.

Яко воздержания сладость ссав, / отринул еси  
горесть страстей, / отонудуже паче меда и сота,  
отче, наслаждаеши души наша.

Новаго яко Павлова тя ученика, Тите,  
восхваляем: / онаго бо ревнитель подвигов пока-  
зался еси, Богоблаженне, / и с ним венцы восприял  
еси.

**Богородичен: Слово Безматерне из Отца, / Без-  
отчее сие в последняя богомужно родила еси,  
едина Богомати, / яко превъшши всея твари.**

### Песнь 3

**Ирмос: Ты еси утверждение / притекающих к  
Тебе, Господи, / Ты еси свет омраченных, / и поет  
Тя дух мой.**

Миро освящения от постнических, преподобне,  
аромат, / весьма сложился еси в воню благоухания  
Богу.

**Ору́жие** воздержáние и щит моли́тву, преподо́б-  
не, имéя при́сно, / нача́ла тьмы, обли́чив, посра́мил  
еси́.

**В** зако́нех пощéния поучáясь, стра́сти погрузи́л  
еси́, / я́коже други́я фараони́ты, пото́ком слез  
твои́х.

**Богорóдичен:** Мило́стива бы́ти мне молю́ при́с-  
но, Влады́чице, Твои́ми моли́твами / из Тебе́ Рож-  
дénнаго, в День Сýдный.

### **Седáлен, глас 1.**

**Подóбен:** Лик Ангельский:

**Постíвсь** на земли́, я́ко безплóтен, Тíте, / умори́л  
еси́ врагá и низложи́л еси́ вку́пе собóр ересей /  
правослáвными твои́ми учéнии. / Тёмже, днесь  
всесвяту́ю твою́ пáмять пpáзднующе, / рáдостно  
воспева́ем тебе́ Возвели́чившаго.

### **Богорóдичен:**

**Уповáние** христиáн, Пресвятáя Дéво, / Егóже  
родила́ еси́, Бóга, пáче умá же и слóва, / непрестáн-  
но моли́ с Вы́шними си́лами / подáти оставлéние  
грехóв нáших / и исправлéние жити́я véрою и  
любóвию при́сно Тя сла́влящим.

### **Крестобогорóдичен:**

**Несквэрная** А́гница, А́гнца и Пáстыря, повéше-  
на на Дрéве, мёртва зря́щи, / пла́чущи, вещáше,  
мáтерски восклицáющи: / кáко претерплю́ Твоё,  
éже пáче слóва, Сýне Мой, снíтие / и вóльные  
стра́сти, Бóже Преблагíй?

### **Песнь 4**

**Ирмо́с:** Услы́шах, Гóсподи, / смотре́ния Твоего́  
та́инство, / разумéх дела́ Тво́я / и прослáвих Твоё  
Божество́.

**Гноéние**, блажéнне, грехóвное все оплевáл еси́ /  
и стрелóю воздержáния дéмонския полки́ уязви́л  
еси́.

**Чистоты́** желáнием дúшу уязви́в, / тёпле послé-  
довал еси́ Христу́ / и вшел еси́ в черто́г сла́вы,  
всеблажéнне.

**Я́ко** цветник благоухáннейший и добродéтелей

рай одушевлён, / воздержанием процвёл еси, /  
 ѿмже вся питаёши, чествующия тя.

**Законоположника** воздержания и нелестный  
 образ кротости, / яко Моисея тя и Давида, / вой-  
 стинну стяжавше вси, отче, ублажаем.

**Богородичен:** Херувим превышшу Тя и Сера-  
 фим, поём, Всенепорочная, / Егже бо трепещут  
 всяческая, / плотию Владыку носила еси на объ-  
 ятиих Твоих.

### Песнь 5

**Ирмос:** Вскую мя отринул еси / от лица Твоего,  
 Свете Незаходимый? / и покрѣла мя есть чуждая  
 тьма, окаяннаго. / Но обрати мя и к свету запове-  
 дей Твоих / пути моя направи, молюся.

Угасив вся страсти росю подвигов твоих, Тите  
 блаженне, / богато вжег огнем любве и веры  
 воздержания светильник, / и просвещение без-  
 страстия, и дне сын был еси.

Веры грозд Божественным возделанием, отче,  
 воспитал еси, / и в точила вложил еси, и изгнел еси  
 болезнями воздержания / и, чашу исполнив духов-  
 ную пощения, веселиши сердца стада твоего.

Претерпев доблественне прилоги и раны невидимых  
 враг, / показался еси столп терпения, /  
 утверждая стадо твое палицею Божественною на  
 пажитех воздержания / и на воде воспитая, бла-  
 женне.

**Богородичен:** Яко пристанище Тя вси, стѣну, и  
 утверждение, и Предстательницу нам, / и к цар-  
 ствию непостыдный вход имуще, / надежды нашей  
 не отпасти, молимся, / матерними Твоими мольба-  
 ми, Всенепорочная.

### Песнь 6

**Ирмос:** Очисти мя, Спасе, / многа бо беззакония  
 моя, / и из глубины зол возведи, молюся, / к Тебе бо  
 возопих, и услыши мя, / Бже спасения моего.

Разрушив страстей мглу и мрачную тьму, / день  
 востока и свет во стезях твоих / возсиял еси,  
 преподобне, от многих подвигов и бед, сущих по  
 вере.

Весьма изступил еси к Богу / желанием воздер-  
 жания, мир оставив, и миродержателя / восхитил

есї, Богоприятне, премїрнаго Царства наслажде-  
ние.

**Собрал есї в души Божественное богатство** Духа, / непорочную молитву, чистоты целомуд-  
рие, / бдение спротяженное, воздержания болѣз-  
ни, / ѿмиже дом познался есї Бѳга.

**Вѣщи дѳльняя, мудре, претѣкл есї хѳдость, /**  
невещественною же молитвою ум вперїл есї / и  
Вѳшняго прїятя наслѣдник явился есї житїя  
совершенством.

**Богородичен:** Зачала есї войстинну Божествен-  
ное Слово во утрѳбе Твоей / и Сїе преестественно,  
Всенепорочная, родила есї, / Егѳже молитвами  
умїлостиви от бед вся избавити рабы Твойя.

**Кондак, глас 4.**

**Подобен:** Явился есї:

**Ж**итїя молву оставил есї / и тихо, все житїе  
твое пожив, мудре, к Бѳгу прешел есї, /  
чудонѳсне ѳтче наш, Тїте преподѳбне.

### Песнь 7

**Ирмос:** От Иудѳи дошедше, ѳтроцы / в Вавилѳне  
иногда / верѳю Трѳйческою пламень пѣщный  
попраша, поюще: / ѳтцев Бѳже, благословѳн есї.

**Не** осквернївся грехмї, река воздержания,  
ѳтче, показался есї нам, / страсти потопляя и  
скверну очищая вопїющих верѳно: / ѳтец наших  
Бѳже, благословѳн есї.

**Нѳне** с Невещественными лїки бесѣдуя,  
Богоблаженне, / и свѣтлости Вѳшняго гощенїя  
непрестанно наслаждаяся, ущѣдри поющия: / ѳтец  
наших Бѳже, благословѳн есї.

**Во** исповѣдании верѳы, ѳтче, прѣбыл есї  
невращен, / Христя бо воображая плѳтию и напи-  
сѳя, поклоняешься и зовѣши: / ѳтец наших Бѳже,  
благословѳн есї.

**Иисѳса** Владыки на телесї, ѳтче, нося язвы, / и  
менѣ, уязвеннаго стрѳлою велиара, уврачуї,  
зовѳща: / ѳтец наших Бѳже, благословѳн есї.

**Богородичен:** Пяче естества и слова Владыку  
всех чревоносила есї и питаѣши от сосѣц Твоїх, /  
всем благовременную уготвляюща трапѣзу, / Егѳ-  
же прилѣжно, Чїстая, о нас моли.

## Песнь 8

**Ирмос:** Царя Небеснаго, / Егóже пою́т во́и  
А́нгельстии, / хвалите и превозносите во вся ве́ки.

Столп ты вдохновён яко войстинну, и образ  
воздержания, отче, стяжавше, / вси твою́ память  
честву́ем по до́лгу.

Лик радуется монашествующих, / и ликует пре-  
подобных собор и праведных: / венец бо достойно  
с сими приял еси́.

Украшен добродетельми, / в черто́зе неизречён-  
ная славы восклонился еси́, / песнь воспева́я  
Христу́ во ве́ки вся.

Оде́ждею священною оде́всья и соверша́я же́рт-  
вы безкро́вныя, / же́ртва принёслся еси́ Бо́гу во  
ве́ки.

**Богородичен:** Во утробе Твое́й су́щаго прёжде  
Тебе́ зачёнши, / Богома́ти Чы́стая Де́во, / родила́  
еси́ несказанно Бо́га и Царя́.

## Песнь 9

**Ирмос:** Чы́стую сла́вно почти́м, лю́дие,  
Богородицу, / огонь Божества́ при́ймшую во чре́ве  
неопа́льно, / пе́снями велича́ем.

Врач неду́гующих во страстех от Бо́га показáл-  
ся еси́, / потреби́тель же, блаже́нне, и отгони́тель  
лука́вых де́монов, / те́мже ты блажи́м.

Землю́ яко тле́ния жили́ще оста́вил еси́, о́тче, / и  
в землю́ всели́лся еси́ кро́тких, / и с ни́ми радуеши-  
ся, Божество́нныя наслажда́ясь сла́дости.

Уста́в непоро́чен ве́ры / и воздержания́ о́браз  
иму́ще по́двиги тво́я, / непреста́нно Зижди́теля в  
пе́снях велича́ем.

Днесь день пра́здничный, / созывáет бо Тит  
монашествующих стада́ на ликовáние духо́вное и  
чре́дэние / и пи́щу нетле́нныя жи́зни.

**Богородичен:** В Тя всели́выйся, Всенепоро́чная,  
родис́я, / Иже пер́вее родонача́льным злонра́вно  
запёнша, / человекоуби́йцу низложив, и вся ны  
спасе́.

**Преподобный Тит** чудотворец жил в конце VIII — начале IX века. С самого раннего детства возлюбил он Господа Иисуса Христа, отвергнув суету мирскую и презрев похоть пло-

ти. Достигнув отроческого возраста, преподобный Тит поступил в общежительный монастырь — киновию, где был сначала послушником, а потом иноком. Он проходил тесный и

трудный, но благодатный монашеский путь, с терпением и смирением очищая душу посредством добродетелей, постепенно восходя к духовному совершенству. Студийский монастырь близ Константинополя, где провел долгие годы в монашестве преподобный Тит, основан был еще в середине V века (при императоре Льве Великом) прибывшим из Рима в Константинополь вельможей по имени Студий. Монастырь был знаменит многими подвижниками благочестия, мужественным противостоянием иконоборчеству, строгим общежительным монастырским уставом. Впоследствии именно студийский устав ввел на Руси преподобный Феодосий Печерский. Уступив настоятельным просьбам братии монастыря, преподобный Тит был рукоположен во пресвитера и руководил братией. Великая кротость, любовь и милосердие снискали преподобному Титу достойную его имени славу подвижника. Господь наделил преподобного Тита даром чудотворения. Во время неоднократно возобновлявшихся гонений на святые иконы и их почитателей преподобный Тит явил себя твердым и непоколебимым исповедником и защитником иконопочитания. Оставив своим ученикам достойный образец молитвенного и постнического



жития, преподобный Тит отошел ко Господу в глубокой старости. Канон преподобному Титу составил преподобный Феофан Исповедник (память 12 марта).

